

Morning Dogri (NSD) Bulletin 19-09-2024

आकाशवाणी

खबरां विकास शर्मा कोला

1 जम्मू-कश्मीर च पैहले गेड़ दे असैम्बली चुनाएं लेई मतदान कल पूरी रमानदारी कन्नै सम्पन्न होआ। प्रदेश च पिछले 35एं बरें दौरान होए दा एह सब्बनें शा मता मतदान ऐ।

2 प्रधानमंत्री नरेंद्र मोदी होर जम्मू-कश्मीर च असैम्बली चुनाएं लेई प्रचार गितै अज्ज श्रीनगर ते फही कटड़ा च चुनावी रैली करडन।

3 राष्ट्रपति द्रौपदी मुर्मू होर मध्य प्रदेश दे अपने दौरे दे दुए ध्याड़े अज्ज उज्जैन पुज्जडन।

4 तेलंगाना दे मुखमंत्री रेवंथ रेड्डी होरें भलेयां लौहके, लौहके ते दरम्याने दर्जे दे उद्यमं सरबन्धी नर्मी एम.एस.एम.ई नीति-2024 गी शुरू करोआया।

5 भारत ते बंगलादेश बश्कार दऊं टेस्ट मैचें दी श्रृंखला दा पैहला मैच अज्जै थमां चेन्नई च शुरू होआ।

<><><><><><>

J&K Election

जम्मू-कश्मीर च कल होए दे असैम्बली चुनाएं दे पैहले गेड़ तैहत 61 फीसद शा मता मतदान दर्ज कीता गेआ जेहड़ा पिछले 35एं बरें दौरान होए दा सब्बनें शा

मता मतदान ऐ। प्रदेश दे 7एं जिलें- रामबन, ाोा, किश्तवाड़, पुलवामा, शोपियां, कुलगाम ते अनंतनाग दे सब्बनें 24 असैम्बली हल्कें च मतदान पूरी रमानदारी कन्ने होआ ऐ। चुनां आयोग नै आखेआ ऐ जे मतदान केंद्रें पर महिलाएं ते नौजवानें दी बड़ी मती हिस्सेदारी दिक्खने गी लब्बी जेड़ी प्रदेश च लोकतंत्र दी मजबूत गी बी दर्शादी ऐ। मतदाताएं बहिष्कार ते हिंसा दे खिलाफ रौंस साफ करदे होई चुनां च पूरे जोश कन्ने हिस्सा लैता। मतदान केंद्रें पर वोट पाने आलें दिएं लम्मी-लम्मी रींगें दुनिया गी जम्मू-कश्मीर दे लोकें दी लोकतांत्रिक प्रक्रिया च गैहरी आस्था ते भोसे गी दस्सी दिता ऐ।

<><><><><><>

PM-J&K

जम्मू-कश्मीर विधानसभा चुनां दे पैहले गेड़ दा मतदान रमानदारी आले ढंग्गै सिर तोड़ चढ़ी जाने दे बाद हून सियासी पार्टिं दा ध्यान अगले दऊं गेड़ें दे मतदान पर ऐ। बीजेपी दे सीनियर लीर ते प्रधानमंत्री नरेंद्र मोदी होर अज्ज श्रीनगर ते कटड़ा च चुनां रैलिं गी संबोधित करडन। मोदी होर श्रीनगर दे सोनवार इलाके च शेर-ए-कश्मीर क्रिकेट स्टेडियम च इक चुनावी रैली गी संबोधित करडन। दपैहरी मगरा मोदी होर श्री माता वैष्णो देवी यात्रा दे आधार कैंप कटड़ा बी चुनां प्रचार करडन। एहदे शा पैहले अपने जम्मू प्रांतै दे दौरै दौरान मोदी हों ाोा च बी इक रैली गी संबोधित कीता हा ते पिछले 10एं बरें दिएं अपनिं उपलब्धिं गी गिनाया हा।

<><><><><><>

President Murmu

राष्ट्रपति द्रौपदी मुर्मू होर मध्य प्रदेश दे अपने दौरे दे दुए दिन अज्ज उज्जैन पुज्जंगन। स्हाड़े संवाददाता दी रिपोर्ट मुजब राष्ट्रपति सफाई मित्रं कन्नै गल्लबात करंगन ते उज्जैन च आयोजित सफाई मित्र सम्मेलन च बी हिस्सा लेंगन। राष्ट्रपति द्रौपदी मुर्मू अज्ज उज्जैन-इंदौर 6 लैनी शिड़क प्रोजेक्ट दे भूमि पूजन कार्यक्रम च मुख परौहने दे तौरा पर वर्चुअल ढंग्गै कन्नै हिस्सा लैडन। राष्ट्रपति होर स्वच्छता मित्रं गी प्रमाण पत्र बांगन। श्री महाकालेश्वर मंदरै दा दौरा लाने दे मगरा राष्ट्रपति होर स्वच्छता ही सेवा पखवाड़ा तैहत मंदर परिसर च श्रमदान करंगन। राष्ट्रपति होर श्री महाकाल लोक दा दौरा करंगन ते इस परिसर च कम्म करने आले दस्तकारें कन्नै बी गल्लबात करंगन। मध्य प्रदेश दे अपने दौरे दे अखीरी गेड़ च राष्ट्रपति होर इंदौर च रेवी अहिल्या विश्वविद्यालय दे दीक्षांत समारोह च हिस्सा लेंगन।

<><><><><><>

WB-Doctors

पच्छिम बंगाल च जूनियर ाक्टरें दा बरोध प्रदर्शन अजें जारी रौहग ते ओह कम्मै पर नेई परतोंगन कीजे नबन्ना च स्थित राज्य सचिवालय च मुख सचिव हुंदी प्रधानता च होई दी बैठक च कोई समझौता नेई होई सकेया। जूनियर ाक्टर सेहत सचिव होरें गी हटाने ते आर.जी कर अस्पताल च

बलात्कार ते हत्तेआ मामले च अनुशासनात्मक कार्रवाई दी मंग करै करदे न।
उंदा आखना ऐ जे राज्य सरकारै इनें मुद्दें पर कोई आश्वासन नेई दिता ऐ।

<><><><><><>

Telangana

तेलंगाना दे मुखमंत्रि रेवंथ रेड्डी होरें इक नर्मी MSME नीति 2024 शुरू कीती
ऐ तां जे मुख तौरा पर भलेयां लौहके, लौहके ते दरम्याने दर्जे दे उद्यमें गी
पेश औने आहली 6 मुख चुनौतिएं कन्नै निब्बड़ने लेई इक नर्मी MSME
नीति-2024 शुरू कीती ऐ। इस नीति च 5एं बरें च 4 जहार करोड़ रुपें दा निवेश
शामल ऐ। उप मुखमंत्रि मल्लू भट्टी विक्रमार्का ते सूचना ते प्रौद्योगिकी मंत्री
पी. श्रीधर बाबू हुंदे कन्नै मुखमंत्रि रेवंथ रेड्डी होरें कल हैदराबाद च इस नीति
दा औपचारिक शुभारम्भ कीता।

<><><><><><>

ONOP

प्रधानमंत्री नरेंद्र मोदी होरें आखेआ ऐ जे देसै च किट्ठे चुनां करोआने पर उच्च
स्तरी कमेटी दिएं सफारशें गी मंत्रीमंल आस्सेया मंजूर करना भारती लोकतंत्र
गी लोकें दी होर मती हिस्सेदारी आला ते जीवंत बनाने दी दिशा च इक
महत्वपूर्ण गेंह ऐ। सोशल मीडिया दी इक पोस्ट च श्री मोदी होरें इस जत्न दी
अगुवाई करने ते बक्ख-बक्ख सरबंधत धड़ें कन्नै सलाह सूत्रर करने लेई साबका
राष्ट्रपति रामनाथ कोविंद हुंदी सराहना ककीती। एहदे पैहले प्रधानमंत्री हुंदी

अगुवाई आले केंद्री मंत्रीमंल नै श्री कोविंद हुंदी प्रधानता आले पैनल आस्सेया सिफररश कीते गेदे इक राष्ट्र इक चुनां सरबंधी प्रस्ताव गी मंजूरी देई दिती ही। काबीना दी बैठक परेंत सूचना ते प्रसारण मंत्री अश्विनी वैष्णव होरें दस्सेया जे इक राष्ट्र इक चुनां आली पैहलकदमी गी दऊं चरणें च लागू कीता जाग। पैहले गेड़ तैहत लोकसभा ते विधानसभाएं दे चुनां करोआए जांगन ते इंदे 100 दिनें दे अंदर-अंदर मकामी निकार्ये दे चुनां होंगन।

<><><><><><><><>

World-Food

चऊं दिनें तोहड़ी चलने आला कार्यक्रम World Food India-2024 अज्जै थमां नमीं दिल्ली दे भारत मंपम च शुरू होआ करदा ऐ। खाने-पीने आलियं चीजें गी ँब्बा बंद करने सरबंधी उद्योग दे मंत्रालय नै दस्सेया ऐ जे 90 शा मते मुख्य, 26 राज्य ते केंद्र शासित प्रदेशें सने 18 केंद्री मंत्रालय इस कार्यक्रमै च हिस्सा लै।गन। जपान एहदा भागीदार मुख्य ऐ जदके वियतनाम ते ईरान पर खास ध्यान केद्रित रौहग।

<><><><><><><><>

HM-100 Day Conference

केंद्री गृह ते सहकारिता मंत्री अमित शाह होर इक राष्ट्रीय सम्मेलन गी अज्ज नमीं दिल्ली च संबोधित करंगन। एह सम्मेलन मोदी सरकार दे त्रीए कार्जकाल हेठ सहकारिता मंत्रालय आस्सेया 100 दिनें अंदर कीती गेदी पैहल कदमिं पर

आयोजित ऐ। इक सोशल मीडिया पोस्ट च अमित शाह होंरें आखेआ जे मोदी हुंदे त्रीए कार्जकाल दे पैहले 100 दिनें च सहकारिता क्षेत्र च कई गँह पुट्टियां गेइयां न जेदे नै नमीं रफ्तार ते मजबूती कन्नै देसा दे सहकारिता तंत्र गी अगड़ा बढने-मठोने च मदाद थहोग। मंत्री होंरें अग्गे आखेआ जे ओह राष्ट्रीय सम्मेलन च इनें पैहलकदमिएं पर चर्चा करंगन।

<><><><><><>

Central-Bank

अमरीका दे केंद्री बैंक फेडरल रिजर्व नै चऊं बरें च पैहली बारी ब्याज दें च कटौती कीती ऐ। उधार दर सिफर इशारिया 5 फीसद अंक घट्ट होइयै 4 इशारिया 75 थमां 5 फीसद दे दायरे च आई गई ऐ।

<><><><><><>

Cricket

भारत ते बंगलादेश बश्कार दऊं मैचें दी टेस्ट श्रृंखला दा पैहला मैच अज्ज चेन्नई दे एम.ए चिदंबरम स्टेडियम च खेइंटेआ जाग। गौतम गंभीर हुंदे भारतीय टीम दा कोच बने दे मगरा भारत लेई एह पैहली टेस्ट श्रृंखला ऐ। बंगलादेश नै हाल च गै अपनी सरजमीं पर पाकिस्तान थमां टेस्ट श्रृंखला गी 2-0 कन्नै जित्त हासल करियै इतिहास रची दिता हा ते इसी दिक्खदे होई ओहदे हौसले बुलंद न।

<><><><><><>